



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-04/02-34-24618-59/23
Sarajevo, 15.08.2023. godine

SKUPŠTINA KANTONA SARAJEVO

n/r Elvedin Okerić, Predsjedavajući Skupštine

PREDMET: Odgovor na zastupničku inicijativu, **dostavlja se**

Poštovani,

Zastupnica u Skupštini Kantona Sarajevo, Marijela Hašimbegović je u skladu sa članom 231. stav 1. Poslovnika Skupštine Kantona Sarajevo („Službene novine Kantona Sarajevo“ broj: 15/13, 47/13, 47/15, 48/16, 9/20, 14/20, 16/22 i 17/22-Ispravka) dana 26.06.2023. godine uputila zastupničku inicijativu kojom se, između ostalog, od Ministarstva za odgoj i obrazovanje Kantona Sarajevo traži da izvrši detaljne radnje uvida u transparentnost konkursne procedure za izbor na poziciju direktora JU Elektrotehnička škola za energetiku, jer, kako se navodi, na web-stranici Škole nisu zabilježene aktivnosti u vezi sa ovim pitanjem i trenutno Ministarstvo nema informaciju o postupku koji je u toku.

Takođe, od Ministarstva za odgoj i obrazovanje se traži da ispita osnovanost tvrdnji o otuđenju knjiga Protokola za 2020., 2021. i 2022. godinu, kao i osnovanost tvrdnji o otuđenju privatne pošte koja je bila naslovljena na sindikalnu organizaciju JU Elektrotehnička škola za energetiku.

Nadalje, u obrazloženju podnesene inicijative navodi se da je ranije, na 7. sjednici Skupštine Kantona Sarajevo, postavljeno zastupničko pitanje u kojem je ukazano na provođenje mobinga nad radnicima JU Elektrotehnička škola za energetiku (15 radnika) sa elementima mizoginije, jer su žrtve mobinga isključivo žene.

U odnosu na zastupničku inicijativu Ministarstvo za odgoj i obrazovanje Kantona Sarajevo se izjašnjava kako slijedi:

- konkursna procedura za izbor na poziciju direktora JU Elektrotehnička škola za energetiku je provedena u skladu sa odredbama Zakona o srednjem obrazovanju („Službene novine

Kantona Sarajevo“ broj: 23/17, 30/19 i 33/21) i relevantnim podzakonskim propisima. Vlada Kantona Sarajevo je, nakon provedene konkursne procedure, na 16. sjednici održanoj dana 13. jula 2023. godine donijela odluku broj: 02-04-32382-51/23 kojom se daje saglasnost Školskom odboru Javne ustanove Elektrotehnička škola za energetiku Sarajevo, da se Fikret Radončić, magistar nauka u oblasti sporta i tjelesnog odgoja, imenuje za direktora, na period od četiri (4) godine. Odluka Vlade Kantona Sarajevo o davanju saglasnosti je objavljena u „Službene novinama Kantona Sarajevo“ broj: 32/23. Postupak koji je prethodio davanju saglasnosti Vlade Kantona Sarajevo je proveden u skladu sa relevantnim zakonskim i podzakonskim propisima.

- u odnosu na tvrdnje o otuđenju knjiga Protokola za 2020., 2021. i 2022. godinu, kao i tvrdnje o otuđenju privatne pošte za sindikalnu organizaciju JU Elektrotehnička škola za energetiku, informišemo Vas da će Ministarstvo za odgoj i obrazovanje u vezi sa navedenim tvrdnjama zatražiti zvanično izjašnjenje nadležnog organa JU Elektrotehnička škola za energetiku, o čemu ćemo Vas nakandno obavijestiti.
- u odnosu na tvrdnje da se u JU Elektrotehnička škola za energetiku provodi mobing nad radnicima sa elementima mizoginije, informišemo Vas se da je postupak zaštite radnika u vezi sa radnjama mobinga precizno propisan odredbama Kolektivnog ugovora za djelatnost srednjeg obrazovanja u Kantonu Sarajevo („Službene novine Kantona Sarajevo“ broj: 38/22, 47/22) koji u svom dijelu IV naslovljenim kao „Zaštita od diskriminacije i dostojanstva radnika“ (član od 35 do 40) propisuje obavezu poslodavca koji zapošljava najmanje 20 radnika da, uz saglasnost vijeća zaposlenika ili sindikalnog povjerenika, imenuje osobu za primanje i rješavanje pritužbi vezanih za zaštitu dostojanstva radnika. U tom smislu, radnici imaju mogućnost prijavu u vezi sa mobingom podnijeti osobi koja je u Školi određena za primanje i rješavanje pritužbi vezanih za zaštitu dostojanstva radnika.

Također, radnici zaštitu od mobinga mogu tražiti i primjenom odredbi Zakona o zabrani diskriminacije („Službeni glasnik BiH“ broj: 59/09, 66/16) koji u članu 4. stav 3. definiše pojam „mobinga“ kao jednog od oblika diskriminacije. Pomenutim Zakonom propisano je da je Institucija ombudsmana za ljudska prava BiH centralna institucija nadležna za zaštitu od diskriminacije, pa tako i mobinga.

Nadalje, u vezi sa zaštitom od eventualnog mobinga radnicima su na raspolaganju i pravni mehanizmi zaštite uspostavljeni Zakonom o radu („Službene novine Federacije BiH“ broj: 26/16, 89/18, 44/22). Pomenutim Zakonom precizno je regulisan postupak zaštite od diskriminacije, a slijedom toga i mobinga (član od 8 do 12 Zakona).

Na kraju, ističemo da u odnosu na do sada zaprimljene prijave radnika JU Elektrotehnička škola za energetiku ili u odnosu na podnesene anonimne prijave, Ministarstvo do sada nije utvrdilo

postojanje osnova za preduzimanje radnji u okviru zakonom utvrđene nadležnosti prema organima JU Elektrotehnička škola za energetiku. U preostalom dijelu zastupničke inicijative Ministarstvo za odgoj i obrazovanje cijeni da ista spada u nadležnost Kantonalne uprave za inspeksijske poslove.

S poštovanjem.



Dostaviti:

1. Predsjedavajući Skupštine Kantona Sarajevo, ul Reisa Džemaludina Čauševića br. 1..
2. Marijela Hašibegović, zastupnica u Skupštini Kantona Sarajevo, ul Reisa Džemaludina Čauševića br. 1..
3. Evidenciji.
4. a/a.